

§. 6. De Parochis, Viduis, Senio confectis, et in servitiis suae Majestatis, vel Dominorum Magnatum constitutis; Articuli jam superinde conditi, hoc quoque loco pro insertis habeantur:

§. 7. Ac tandem Status et Ordines illorum Regnorum suae Majestati demisse supplicant; ut pro talibus extraordinariis ac periculosis necessitatibus, extraordinarie quoque, et majori copia de pulveribus et munitionibus eidem Regno (alioquin talibus valde destituto) tempestive providere; ac tempore aperti belli, milites tam Germanos, quam Nativos, in Praesidiis illorum Confiniorum constitutos, sub modernis ipsorum Militaribus Praefectis et Officialibus, ad veterem antea tali tempore belli observatum Numerum, adimplere; et intra Praesidia illorum Confiniorum collocare et conservare; Ulteriora vero externa sua, et Vicinarum Provinciarum subsidia, in finibus ac terminis ipsarum Provinciarum illi Regno vicinis, pro extremo succursu intertenere; talibusque subsidiis externis, de Annona et strictiore disciplina, providere benigne dignetur: Siquidem Regnum illud et suis, et externis militibus, per se solum, de victualibus providere, sufficienter non posset: Nihilominus tamen de Annonario quoque subsidio in Congregationibus suis, in facie loci celebrandis, tractare et pro sua possibilitate concludere; et concurrere non intermittet. *)

Ratione exolutionis et intertentionis certorum peditem, ex contributionibus Portarum et media Tricesima in Regno Sclavoniae fiendae.

Articulus 86.

Ac tametsi memoratum Regnum Sclavoniae, juxta Art. 9. Anni 1596. ad mediam duntaxat Regni Ungariae Dicam, adinstar Dedititorum solvendam, de veteri more obligatum sit; idem tamen Regnum, etiam per decem florenos Rhenenses, ad unamquamque Portam contributiones imponere consuevisset, et ex hujusmodi contributionibus in medio sui imponendis ac limitandis; et ex media quoque Tricesima ibidem continuanda, exactorique illius Regni per Tricesimatores administranda, imposterum quoque pedites, circiter quingentos, pro sua et vicinarum Provinciarum defensione exolvat et intertenebit; juxta Articulum 4. Anni 1649. et Articulum 7. Anni 1638. ac Art. 8. Anni 1597.

Judicia Octavalia, et Brevia suo loco, et Terminis consuetis, per Dominum Comitum Banum, juxta infra citatos Articulos celebrentur.

Articulus 87.

Ad clementem suae Majestatis admonitionem, in benignis suis Propositionibus factam, Status quoque et Ordines Regni Croatiae et Sclavoniae, demisse consentiunt ac decernunt; ut Judicia Octavalia et Brevia illorum Regnorum fre-

*) Allegatur et urgetur; An. 1662. a. 3. Declaratur; An. 1662. a. 6.